



13
1787
30



門 18
號 1787
卷 30

因話錄祠部呼為冰廳言清且冷也唐省中語後行冰屯不博

中行都門國史補中行刑戶不博後行駕部通典開元令尚書六曹吏部兵部為

前行戶部為中行禮工為後行

國史趙彥若遷祠部員外郎先是宗廟薦新仲秋用芟萌不經

易以蒲白彥若曰蒲春始生可食秋則過時不可以薦乃據引

經傳改從春薦

後漢何遜少有美望公府中十辟一無所就由是名重華夏起

家為尚書主客郎

比史魏收為主客郎接梁使謝琨徐陵為散騎常侍魏使魏人

授館宴賓是日甚熱主客魏收朝徐陵曰今日之熱由徐常侍

來陵即答曰昔王肅至此為魏始制禮儀今我來聘使卿復知



寒暑收大慙

兵部

類聚兵部尚書周之夏官卿也漢置五曹未有主兵之任魏置五兵尚書謂中兵外兵騎兵別兵都兵也晉太始中有五兵尚書後魏置七兵尚書隋改兵部尚書天寶改武部尚書至德復掌武官選舉其分領選舉為三銓如吏部宋元豐五年九月詔應沿邊義勇保甲事竝隸樞密院其餘民兵悉隸兵部建炎三年併衛尉寺歸兵部元仍舊置兵部掌兵籍軍器鎮戍廩牧舖驛車輅儀仗郡邑圖志險阻障塞之事置令史分掌名頭以尚書為長 兵部侍郎周夏官小司馬中大夫也漢以來有侍郎隋置兵部侍郎唐因之正三品總章元年加一員掌武選地圖

車馬甲械之政令凡軍以籍統隸者閱習按試選募遷正名除許將試兵部侍郎自此始也元仍之置兵部侍郎 周大司馬屬官有軍司馬下大夫蓋郎中之任也魏有五兵郎曹晉有七兵皆置郎中梁陳有左右中兵左右外兵騎兵郎曹皆置侍郎亦郎中任也隋初為兵部侍郎又改兵曹郎唐因之宋初除潘良器本曹所治之事郎中員外郎參掌之建炎三年併省冗職以兵部郎中兼職方元置兵部郎中 周大司馬屬官有司輿司馬上士蓋員外郎之任也隋置兵部員外郎煬帝改兵書承務郎唐改兵部員外郎宋諸司員外郎正七品兵部本曹所治之事員外郎參掌元仍之置兵部員外郎 國朝置兵部尚書及左右侍郎司務武選司職方司車駕司武庫司竝設郎中員

外郎主事分理焉

河圖黃帝坐玄扈之樓上與司馬容光臨觀鳳凰之至乃以夏

官為縉雲縉赤縉也

齊王珪職儀大司馬其在少昊則睢鳩氏之任顓頊以司馬主

火堯命羲叔為司馬夏官也虞夏二代以司夏官棄居其職周

成王以畢公高為司馬楚漢之際曹無咎周殷始居其職

唐書姚崇為宰相兼兵書屯戍斥堠士馬儲械無不暗記崔駮

議伏望詔東西二曹兩都分簡注東為吏部西為兵部

李嶠為揚執宗讓夏官尚書表憑託霄漢接南陽之近親感會

風雲附西京之外戚豈惟連芳八座上比七星固亦分職五曹

專司九法

言行錄宋祀南郊蘇軾以兵部尚書為鹵簿使上因太廟宿齋

行禮昇特至青城忽有赭傘犢車并青蓋犢車百餘乘衝突而

來公呼御營巡檢使立車前曰西來誰何敢以亂行曰皇后并

某國大夫人某大長公主也公即於青城上疏劾之明日中使

傳命申勅有司嚴整仗衛

周必大兵部長貳題名記本朝放唐六典曰兵部凡民兵廂軍

蕃兵剩員武舉投試武藝金吾衛司人兵及大將軍出征告廟

破賊露布鹵簿字圖若蕃夷屬戶授官封之事皆主之曰職方

凡天下地圖城隍堡寨烽堠之數蕃夷歸明內附之事皆主之

曰駕部掌凡輦輅車乘廐牧雜蓄乘具傳驛之政令辨其出入

之數曰庫部掌凡軍器儀仗鹵簿法式隨軍防城什物及凡供

帳之事是爲四司而其主判率用他官所謂長貳姑以寄祿而已尚書今銀青光祿大夫也侍郎今正議大夫也位序既高非宰執侍從鮮能至故方任事時自揚乃職有如歸班猶弗敢替蓋規之義名公鉅卿磊落相望抑有由也元豐肇新官制尚書從二品侍郎從三品實坐曹治事名稍正矣而武選隸天官兵政歸西府其職視唐猶簡况於成周乎

唐書太宗有事遼東以揚弘禮有文器材擢拜兵部侍郎專典兵機之務弘禮每入參謀議出則統衆攻戰駐蹕之陣所向摧破太宗自山下見弘禮所統之衆人皆盡力殺獲居多甚壯之謂許敬宗等曰越公兒郎故有家風矣

唐常澳字子裴遷兵部侍郎與同寮蕭真深爲宣宗所遇每二人同直無不召見詢訪時事每有邦國刑政大事中使傳宣草詞澳心欲論諫即曰此一事須降御札方敢施行遲留至旦必論其可否上皆多從之

隋唐佳話楊弘武爲司戎少常伯高宗謂云某人何因輒授此職對曰臣妻韋氏性剛悍以此人見屬臣若不從恐有後患以諷帝用右言也

盧元輔字子望杞子也爲兵部侍郎元輔自祖至曾以名節著於史爾元輔簡潔貞方綽繼門風歷涉清貫人亦不以父之醜行爲累人士歸美

北盟會編宋王敏節度爲兵部侍郎對便殿口陳手畫秦隴形勝利害上大喜即日遷兵部尚書

事畧宋許將入為兵部侍郎條奏八事以為兵之事有三曰禁
兵曰廂兵曰民兵馬之事有三曰養馬曰市馬曰牧馬兵器之
事有二曰繕作曰給用

周必大謝兵侍兼直學士表司戎任重規草才難自非文武之
兼資曷副國家之遴簡歷考正元而後惟陸贄衛次公之並充
載稽南渡以來有汪藻蔡宗禮之故事

會典武選司掌武官陞調襲替優給誥勅功賞之事 職方

司掌天下地圖城隍鎮戍營操武舉巡邏關津之政 三駕

司掌鹵簿儀仗禁衛及驛傳廐牧之事 武庫司掌軍政武

學及戎器儀仗并諸雜行冗務

唐書裴光庭轉兵部郎中既歷清要人未之許及在職公務脩

唐制兵部郎中二員一員掌判帳及天下武官之階品衛府之
名數一員掌判簿以總軍戎差遣之名數 南豐制司武之為重
于文昌呂公弼制始

寵七兵之扶用服一臺之華
張易制夏卿首曹中臺妙選

唐書姚崇遷夏官郎中時契丹寇陷河北數州兵機填委元崇

剖析若流皆有條貫則天甚奇之超遷夏官侍郎 盧奕懷

慎之子與兄奐齊名開元中任京兆司錄參軍天寶初為鄆縣

令兵部郎中所歷有聲皆如奐之所治也 蕭愿梁宰相傾

之子性淳謹承事父母未嘗不束帶而見然性嗜酒無節職事

弛慢為兵部郎中日掌告身印覃恩之次頗怠職事父傾為吏

部尚書代息視印篆其散率如此

帝執誼始未顯時不喜人言嶺南州縣既為郎嘗詣職方觀圖至嶺南輒瞑目命左右徹去及為相所坐堂有圖不就省既易旬試觀之崔州圖也以為不祥惡之果貶死

周必大兵部郎官題名記本朝除郎之路雖廣而其要有三館閣一也寺監丞二也監司郡守三也近歲室其二卿監或可徑至而郎非歷監司郡守不可得其不輕而重也較然矣司馬列屬四中興初僅嘗備官建炎三年夏始以駕蕪庫以兵兼職方其選清故平居無事多處文學之臣其權重故從軍若將命則往往假以為寵此其大畧也

六典員外郎二人一人掌貢舉及雜請之事凡應舉之人有謀畧才藝平射筒射皆待命以舉若州府歲貢皆勸責文狀而引試焉一人掌選院謂之南選曹每歲選人有解狀簿書資歷考課必由之以覈其實乃上三銓進用則書焉

漢書魏徵薦杜正倫擢兵部員外郎太宗勞之曰朕舉賢者非朕獨私以能益百姓也

周夏官司甲下大夫唐司戈者弓矢之長各辨其物以待軍事唐庫部之任也後周有小武藏大夫唐庫部郎中員外郎掌鹵簿戎器儀仗元兵部令史分掌名頭有儀仗

南史顧琛字弘璠遷尚書庫部郎元嘉七年文帝遣到彥之經畧河南大敗悉委棄兵甲武庫為之空虛文帝宴會有歸化人在座上問琛庫中仗猶有幾許琛詭辭答有十萬人仗舊庫仗秘不言多少上既發問追悔失言及琛詭對上甚善之

唐書陸象先弟景倩景融景獻景喬歷河南令庫部郎中皆有
美譽僧一行少時與象先兄弟相善嘗謂人曰陸氏兄弟皆有
才行古之荀陳無以加也甚為當時所稱孔若思勵學明經
歷庫部郎中嘗曰仕宦至郎中足矣座右置水一石明自足意
周夏官屬有與司馬有校人主馬之官有牧師掌牧政有中車
掌公車之政及王之五輅皆駕部之本也晉魏尚書有駕部郎
唐龍朔改司輿大夫天寶中改司駕朱駕部司事一人以無職
事朝官充元豐改置郎中員外郎始實行本司事叅掌輿輦車
馬驛置廄牧之事大禮則戒有司具五輅凡奉使之官赴闕視
其官職及所治事給馬如格官文書則量其遲速附馬步急遞
應內外監牧租入多寡孳產登耗皆檢察馬元令史分掌名頭

有車輅

分紀北齊馮子琮為駕部郎中攝庫部孝昭帝曾閱簿領試令
口陳子琮對無有遺失

通典隋辛公義為駕部郎勾檢馬牧所獲十餘萬匹帝嘉曰唯
我公義奉國竭忠

刑部

類聚刑部尚書周秋官卿也漢成帝時尚書初置二千石曹主
郡國二千石又置三公曹主斷獄光武改三公曹主考課二千
石曹掌中都官水火盜賊辭訟罪法晉初依漢置三公尚書掌
刑獄宋始置都官尚書皆掌刑獄隋開皇改刑部天寶改司憲
宋刑部尚書侍郎郎中止為階官尚書掌天下刑獄之政令而

侍郎郎中員外郎分治其事元刑部掌律令格式審定刑名奴婢配隸關津機禁城門啓閉之事置令史分掌名頭以尚書為長周秋官小司寇中大夫也漢以來有侍郎隋煬帝置刑部侍郎天寶為憲部侍郎掌律令刑法覆按大理及諸司應奏之事宋元豐正名除大理卿崔台符為之元仍唐宋舊置刑部侍郎周大司寇屬官有士師下大夫蓋郎中之任也漢尚書有三公曹後漢有二千石曹魏有都官曹皆掌刑法獄訟之事宋元豐正名初除胡瑗杜紘建炎詔刑郎以二員為額紹興詔見任郎官依元豐舊法分左右廳治事從右司汪應辰之請也元仍唐宋置刑部郎中同大司寇屬官有士蓋員外郎之任元仍唐宋置刑部員外郎二人國朝置刑部尚書及左右侍郎司務照磨檢校司獄又有十三道並設郎中員外郎主事分理庶務焉

書司寇蘇公式敬爾由獄以長我王國
張鷟集國之二柄在德與刑邦之三典惟清與

慎大舜有欽恤之言穆王有哀矜之教

周禮大司寇之職掌建邦之三典以佐王刑邦國誥四方常衮制

我五教掌茲三典中典題名設官分職以司獄事

宋書徐孝先為都官尚書自晉以來尚書寮皆携家屬居省省在臺城內下舍門中有閣道東西跨路通于朝堂其第一即都官省西抵閣道年代久遠多有鬼怪每夜昏之際無故有聲光或見人着衣冠從中出尚書周確卒於此省孝先代確即居之經兩載妖變皆息時咸以為真正所致

梁書羊侃為都官尚書令何敬容用事與之並省未嘗遊造宦者張僧胤侯侃曰我林非閹人所坐竟不前之時論美其正直

唐書劉祥道遷司刑太常伯每獲大獄必愀歎累奏決之日

為之再不食李適之拜刑部尚書適之雅好賣友飲酒數十不亂夜則宴賞畫史公務庭無留事

顏真卿為檢校刑書永泰中元載引用私黨請百官凡欲論事

必先白長官長官白宰相後聞奏真卿上疏曰天寶後李林甫

威權日盛群臣不先咨宰相輒奏事不過託以他故中傷猶不

敢明約百司令先白宰相如今日之事曠古未有陛下不蚤覺

悟漸成孤立於是中人爭為內本布於外

崔隱甫潔介自守以強正稱為刑部尚書帝欲相之也曰牛仙

客可與語卿常見否曰未也帝曰可見之隱甫終不詣他日又

問對如初帝乃不用贊曰嚴挺之拒宰相不肯見李林甫崔隱甫

違詔不屈牛仙客信剛者乎

柳公綽為刑部尚書京兆人有姑鞭婦至死者府斷以償死公

綽議曰尊毆卑非闕且其子在以妻而戮其母非教也竟得減

死

宋書韓忠獻琦知審刑院先是盜殺同黨既自已就捕例不抵

死公曰此但弁有其貲或就滅其口非有自新改過之心無足

矜者請更議其法乃詔盜殺其徒而不首者毋得原

蘇頌字子容神宗朝知審刑院知金州張仲宣受財枉法抵死

法官援前比貸死杖脊黥配海島公奏古者刑不上大夫今刑

為徒隸恐汗辱衣冠耳仲孫由是得免杖黥止流海外自是命

官刑無杖黥者

吳永叔辭權除刑書狀載念士官之所掌實於國脉而相關舜不賴臯陶之明何以佈好生之德周不得蘇公之敬安能審用法之中必惟良臣所稱公選若冒司於臬事恐紛致於人言又辭切謂文昌高於法從憲部重於諸曹訟牒滋繁非膚敏之才不足以剖析情偽刑章紛委非諳通之識不足以分別科條如某謾學綴文未閑讀律使之討論潤色尚能奏薄技於詞林若曰糾禁議詢何以宅嘉師於王國

周禮小司寇之職以五聽聽獄訟求民情一曰辭聽二曰色聽三曰氣聽四曰耳聽五曰視聽以三慮畫其情一曰明慎以讞獄二曰哀矜以雪寃三曰公平以決庶獄 以八辟麗邦法附

刑罰一曰議政之辟二曰議故之辟三曰議賢之辟四曰議能之辟五曰議功之辟六曰議勤之辟七曰議貴之辟八曰議貧之辟

唐職林有大獄即命御史中丞刑部侍郎大理卿克謂之大三

司使國朝建刑部都察院大理寺同於西宣武街以貫城統之謂之三法司得慎刑意焉

唐書狄仁傑薦張柬之宰相才召為洛州司馬仁傑曰臣薦宰相而為司馬非也乃授司刑少卿遷秋官侍郎

寶曆初宣中書以諫議大夫劉棲楚為刑侍丞郎宣授自此始唐太宗時刑部侍郎有關令執政妙擇其人奏皆不可太宗曰朕得其人矣往昔李道裕議張亮云反刑未具此言當矣雖不即從至今追悔遂授道裕

劉瑒轉刑侍精於法律選制勅可用者議其輕重成一家書號大中統類奏行之

言行錄張文忠公九成兼刑侍一日法寺以成案上大辟公閱首末得其情因請覆實囚果誣服者也奏黜之時法官抵罰而朝論欲以為賞公辭曰職在詳刑而賣眾以邀賞可乎

會典浙江等十三司各清理所隸布政司刑名仍量其繁簡帶管直隸府州并在京衙門凡遇刑名各照部分送問發落

職類魏有定科郎晉賈充定律令以裴楷為之胡文恭制宜正秋臺之職進丞

郎省之務表牒類冊筆議刑國網作重白雲司職人命是懸職林唐有大獄以刑部員外郎御史大夫大理寺官為之以決

疑謂之小二司使

元稹刑部員外郎制亟則失情緩則留獄深則礙恕縱則生奸惟是四者持刑之難

考索都官者本因漢置司隸校尉其屬官有都官從事一人掌中都中郎官不法事因以名官義取中都官中都官謂京師官

也後漢又改二千石曹掌中都官水火盜賊亦謂賊曹後周置司屬之職元豐改制郎中員外郎始實行本司事參掌徒流配

隸及吏籍之事初除韓宗良列四案謂軍大將案吏籍案配籍案知雜案魏尚書有比部曹宋比部掌法制北齊掌詔書

律令勾檢等事後周曰計部中大夫宋元豐官制行釐其事歸比部郎中員外郎始實行本司事初除宇文昌齡列五案勾覆

案磨勘案理欠案憑由案知雜案唐制天下財賦皆納左藏庫太府四時以數聞尚書比部

覆其出入

分紀鄭谷為都官郎中作詩自賀且為序云故許昌尚書能嘗為都官郎中後數歲故建州李員外頗自憲府內彈拜都官員外郎皆一時騷雅宗師都官之曹振盛於此余早年請益實受深知今忝此官復是正秩

尚書故實杜牧頃於宰執求小儀不遂請小秋又不遂嘗夢人謂曰辭春不及秋昆脚與皆頭果得比部員外

周大司徒屬官有司門上士今為司寇之屬唐制郎中員外郎掌門關出入之籍及闌遺之物元令史分掌有城門郎

類聚司馬廳壁記門關之設尚矣在周為司門在漢其名不一曰戶郎曰門侯皆其任也宋朝監省門角內三品元豐中裕陵

聖訓內侍者以內與外庭臣僚無交際得以盡情機察爰自中興駐驛臨安三省樞密院俱列皇城之內外侍不時至則參之小使臣人微官薄不足以誰何嘉定六年秋始用諫議大夫增置監門官一員以京朝宰邑有治理効者為之初奉命議郎前知嚴州淳安縣揚怒而內侍由為機察遵舊制也昔蕭望之射策甲科尚為小苑東門侯冲翁以抱關譏之以各從其志其後卒為漢名傳蓋一命以上皆有掌職所當盡吾事而已奚有於他恭哉

工部

類聚工部尚書周冬官卿也漢成帝初置尚書有民曹主吏人上書光武改民曹主繕修功作鹽池園苑事魏置左民尚書宋

有起部尚書隋有工部尚書唐因之宋工部判部事一人以兩制以上充凡城池土木工役皆隸三司修造案本曹無所掌元豐官制行尚書工部掌天下城池宮室舟車器械符印錢寶之事百工山澤溝洫屯田之政令是時尚書猶未除人紹興三年併少府監歸工部以文思院屬焉元工部掌修造營建法式諸作工匠屯田山林川澤之禁江河堤岸道路橋梁之事置令史分掌名頭以尚書為長 周冬官小司空中大夫也宋元豐正名初除熊本元因之 周大司空屬官下大夫蓋郎中之任也宋元豐正名除范子奇高遵惠元因之 隋朝二十四司各置員外郎一人以司其曹之帳籍宋仍唐舊元置二人 國朝置工部尚書及左右侍郎司務營繕司虞衡司都水司屯田司

書郎四人其一人主戶口墾田此屯田之始也魏代益設郎中為農部曹始置屯田郎中後周始為工部員外郎田郎 員外郎主事以分理庶務焉

書帝曰疇若予工僉曰岳哉帝曰俞谷汝岳共工 帝曰疇若予上下草木鳥獸僉曰益哉帝曰俞谷益汝作朕虞

周禮審曲面勢以飭五材以辨民器謂之百工 唐語令程品之五有若百工號

令之先尤難六職南豐擬制中臺起曹訓匠建事常衣制平百官之上書飭五材以辨器非國之髦碩詳於典制則不可以綜

事訓工建明理本也 華嶠後漢書王梁初為野王令世祖議選大司空而赤伏符曰王梁主衛作玄武帝以野王衛之所徙玄武水神之名司空水土之官也於是擢拜梁為大司空

陳書陳從易為起部尚書巧思過人軍國器械多所創立 初侯景二

年殿被焚承聖中議營之獨欠一柱至陳高祖時忽有樟木大十八圍長四丈五尺流泊陶家後監軍鄒子度以聞詔中書令沈衆兼起部尚書構太極殿

唐書閣立本顯慶中代兄立德為工部尚書兄弟相代為八座時人榮之總章元年以司平太常伯拜右相時立本為右相姜恪為左相立本無他才識時以善畫稱之恪嘗累為將軍立功塞外是歲京師饑旱弘文崇賢司成三館學生並放歸本貫當時為之語曰左相宣威沙漠右相馳譽丹青三館學生放散五臺令史明經李大義為工部尚書性忠謹外若不能言而內剛烈不可干非其義

張鷟為集位當玄武之官職在司空之任虞舜之代伯禹統其班周成之朝毛公處其地

循雅記室新書五材是宜百官惟敘城郭都邑合其規上農工商會其所
韓愈送鄭尚書序嶺之南其州七十其二下二隸嶺南節度府其四十餘分四府府各置帥然獨嶺南節度為大府大府始至四府必使其佐咨聞起居謝守地不得即賀以為禮歲時必遣賀問致水土物大府帥或道過其府府帥必戎服左搢刀右屬弓矢帕首袴鞞迎郊及既至大帥府先入據館帥守屏若將趨入拜庭之為者大府與之為讓至一再乃敢改服以賓主見適位執爵皆興拜不許乃止度若小侯之事大國有大事諮而後行隸府之州離州遠者至三千里懸隔山海使必數月而後能至蠻夷悍輕易怨以變其南皆岸大海多州島颿風一日踔數

千里漫瀾不見蹤踪控御失所依險阻結黨仇機毒矢以待將
 吏撞搪呼號以相和應蜂屯蟻雜不可爬梳好則人怒則獸故
 常薄其征入簡節而疎目時有所遺漏不究切之長養以兒子
 至不可治乃草薶而禽獮之盡根株痛斷乃止其海外雜國若
 耽浮羅流求毛人夷亶之州林邑扶南真臘于陀利之屬東南
 際天地以萬數或時候風潮朝貢蠻胡賈人舶交海中若嶺南
 帥得其人則一邊盡治不相寇盜賊殺無風魚之災水旱癘毒
 之患外國之貨日至珠香象犀玳瑁奇物溢於中國不可勝用
 故選帥常重於他帥非有文武威風知大體可畏信者則不幸
 往往有事長慶三年四月以工部尚書鄭公為刑部尚書兼御
 史大夫往踐其任

宋編年張忠簡公闡權工部尚書兼侍讀初上用真宗故事命
 經筵官二員遞學士院朝夕宣召商確古今諮訪政事公入對
 尤數知無不言屢引疾丐閑上曰朕所以知外事皆賴尚書工
 部一書相從久忍言去耶

隋書柳彧字幼文為屯田侍郎時制三品已上門皆列戟左僕
 射高穎子弘德封應國公申牒請戟彧判曰僕射之子更不異
 居父之戟槩已列門外尊有墜卑之義子有避父之禮豈容外
 門既設內閣又施事竟不行穎聞而歎伏

唐書帝問蘇頲有工部侍郎得中書侍郎者乎對曰陛下任賢
 惟所命何資之有

李棲筠字貞一為工部侍郎魁然有宰相望

梁劉孝儀表職貳
三事位總六條俯

司土地仰安陰陽曲阜郭知章制冬官之貳方此得人疇若予工汝為已試

宋史太祖重惜名器錢昱自白州刺史求文資得秘書監遷工部侍郎連典數郡無治聲上謂宰相曰此貴家子不可以任丞郎改郢州團練使

張忠簡權工部侍郎給札侍從臺諫條具時務公上十事時應詔數十人惟公與國子司業王十朋指陳實事斥言權倖無所回隱明日上召兩人對內殿大加稱賞賜酒者再回授御書一

軸

六典唐工部郎中員外郎掌經營興造之衆務凡城池之脩濬土木之繕葺工匠程式咸經度之掌興造工匠諸公解舍宇五行紙筆之事曲阜制中臺起曹即選尤重張元芳制即吏今之高選工官號為劇曹

會典考工總司掌官府器仗城垣壇廟經營興造之事 虞衡司

掌天下山澤採捕陶冶之事 都水司掌川瀆陂池橋道舟車

織造衡量之事 屯田司掌屯種墾墾抽分柴炭之事

北史裴讓之字士禮吳屯田郎中省中語曰能賦詩裴讓之與

楊情友相遇則清談竟日情每云此人風流警拔裴文季為不

亡矣梁使至常令讓之攝主客郎

唐書杜甫有詩名玄宗時獻朝饗太清宮賦拜官祿山陷京師

玄宗幸蜀肅宗即位靈武甫聞關本詣行在拜左拾遺因房琯

罷相甫諫不納請告省家後嚴武辟為幕府拜工部員外郎

其詩身聲省郎在家須農事歸不才名位晚敢恨省郎遲欲陳

濟世策已老尚書郎雖為尚書郎不及村野人

周禮山虞掌山林之禁令澤虞掌國澤之政令蓋虞部之職也

魏始有虞部郎中唐龍朔為司虞大夫宋虞部無掌以屯田郎

蕪之

魯鞏擬制菟田以時澤梁無禁虞衡之守所以遂嘉生叅化育

川衡掌巡川澤之禁令後周冬官有司水中大夫司水上士隋

文帝有水部侍郎唐郎中員外郎掌津濟船艦渠梁隄堰溝洫

漁捕運漕碾磴之事宋水部無所掌元設都水監都水一員竝

隸工部

白居易聽水部新詩朱坡仙郎白雲歌和人雖少愛人多明朝向與詩家道水部如今不姓何

南都新書省中司門都官屯田虞部主客皆閑簡無事時諺曰

司門水部入省不數又角觝之戲有假作吏部令史及虞部令

史相見忽然俱倒悶絕良久云冷熱相激

唐史何遜張籍並有詩名俱為水部杜子美詩僊客不妨員外

置詩人列作水曹郎李餘慶詩省中官最美無似水曹郎

翰林院

王世貞曰學士非古官其職初散寓於中秘諸省至唐文皇開

天策府而始有學士之目武后中復置北門學士間以親暱充

之如漢鴻都而加重其後至德宗朝始至設學士繫銜於翰林

與中書舍人對掌內外制然無定品往往寄祿於他官其資重

者至散騎諫議而淺者僅拾遺叅軍尚不能與舍人埒獨其長

一人最貴曰承旨往往竟拜宰相其次亦不失三司觀察卿監

至宋一切因之而益加重然不為定品如故元豐制行自是稍

稍有恒秩元之初興定學士承旨正三品學士以下遞降有差

其後進承旨為從一品視中書平章政事學士視左右丞 高

帝初下江南庶事草創有所聘擢僅寓名以備顧問而已十八年三月始定置學士一人正五品侍讀學士侍講學士各二人從五品孔目爲首領一人未入流侍讀侍講各二人正六品五經博士五人正八品典簿二人從八品侍書二人正九品待詔六人從九品皆稱屬又修撰三人從六品編修四人正七品檢討四人從七品別爲史官亦係屬焉尋擢史官解縉而下七人入內閣預機密典綸綽然自學士王景卒解縉胡廣楊榮輩猶相繼領院篆洪熙之歲大學士士奇等驟遷至三孤路六曹上遂不復領院矣第文淵內署與諸曹異文移往復猶以翰林行之今雖稍稍变革而猶有一二存者如史成焚草中貴傳旨猶傳大學士翰林公署左設大學士三座學士一座而講讀學

士東西對列是也學士秩雖卑而職與內閣通

洪武末設

華蓋殿謹身文華武英諸文淵東閣大學士俱正五品華蓋以劉仲質邵質文華以全思誠鮑恂余銓張良年武英以吳宗伯文淵以朱善來訥東閣以吳沈爲之而無所領惟從容滿顧問而已永樂始以胡廣楊榮金幼孜爲文淵閣大學士領閣務洪熙進楊士奇華蓋楊榮兼謹身黃淮金幼孜兼武英獨以光祿署丞權謹爲文華殿大學士無兼官亦不預閣務謹去後文華至今不設大學士得非以皇太子講讀之所故耶此殊不可曉嘉靖末以華蓋殿爲中極殿謹身殿爲建極殿首以徐階袁煥克建極殿大學士而中極自隆慶初始補李春芳唐舊志乾封中劉懿之劉禕之兄弟周思茂元萬頃范履冰皆

以文詞召入待詔常於北門候進止謂之北門學士

張說陸堅張九齡徐安貞張洎等召入禁中謂之翰林待詔王者尊極一日萬機四方進奏中外表疏批答或詔從中出宸翰所揮亦資其檢討謂之視草故嘗簡當代四人以備顧問

李紳字公垂能為歌詩元和初登進士第穆宗召為翰林學士與李德裕元稹同在禁署時稱三俊情意相善

翰林故事北院之置尤為切近左接寢殿右瞻彤樓晨趨瑣闥夕宿嚴衛密之至也鏐鏡得御廐之駿出入有內司之道豐殺潔膳取給大官衾綈服御資於中庫恩之厚也備待顧問辨駁是非典持縑牘受遺群務凡一世得失動為臧否職之重也唐翰林院有懸鈴以備夜直警急文書出入皆引之以代傳呼

長慶中李德裕為學士時河北用兵一夜鈴有聲如人

視之則無人後往往如此使人持棒潛伺于下終無所觀而數數鳴動不已院中諸公私共准其鳴時皆應用兵處耗聲則急

緩亦如之曾莫之差眾咸異之李相詩銀花懸院榜神撼引風

鈴凡例考劾諸司官屬與聽吏部都察院會覈成化

鈴詔翰林院以文學侍從為職聽其長會內閣自劾

李肇翰林志翰林所著撰拜免王公將相妃主曰制賞賜恩宥曰赦書曰德音虛分事曰赦曰御札五品以上曰詔六品以下

曰敕批群臣表曰批答獎勳勞曰獎諭賜外國書曰蕃書醮曰青詞密詞釋曰齋文教坊致語曰白話土木興建曰上梁文宣

賜曰口宣此外有祝文碑文神道碑樂章詩頌春帖子之類撰述進入遇有除拜以雙日鎖院隻日降麻

陸贄上疏國朝典故詔令合由中書如或墨制施行所司不須
承受蓋以示王者無私之義為國家不易之規貞觀中有學士
十八人太宗但與議論墳籍時務悉不拒干玄宗末方置翰林
張洎國親承寵然止唱和批答樞密畧不與知肅宗奔播之時
翰林始掌書詔因循迄今漸逾職分物議不平晉云天子私人
侵敗綱紀致使聖代虧至公之體宰相有備位之名制書職分
宜歸中書學士之名宜革前弊德宗以贄指斥微玄故不可其
奏吳通玄兄弟以文道權為德宗東官師恒侍太子遊
貞元初召充翰林學士與兄通微同職禁林士榮之
唐故事中書用白麻為綸命重輕之辨其後翰林學士專
掌內命選用益重中書所出獨得用黃麻其白麻皆在北院自
非國之重事拜授將相德音赦宥不得由於斯會要元和初九
赦書德音立后

建儲大計誅拜堯三公宰相命
將日制書並用白麻不用印

建中以來簡拔尤重故必密如孔光博如廷州文如卿雲學如
向歆器如黃頰直如史魚然後得中第漢時始建置尚書郎五
人平天下奏議分直建禮合香握蘭居錦帳食大官則今之翰
林名異而實同也時論以為登玉清翔紫霄豈蓬山瀛州而足
喻乎

唐舊制學士無特以承旨為名者應對顧問參會第班以官為
上下憲宗永貞元年始命鄭絪為承旨位在諸學士上居東第
一閣凡內宴坐次於宰相坐居一品班之上

學士每下直出門相謔謂之小三昧出銀臺乘馬謂之大三昧
如釋氏之去纏縛而自在也撫言裴廷裕乾寧中在內廷文敏
捷號下水船姚洎號急難頭上水

唐之貴文至矣後王纂承多以國柄付文士元和初憲宗遵聖祖故事視有宰相器者貯之內庭繇是釋筆硯而操化權者十常八九一品集戎后隣詞客吾僚並雋髦注先朝曾宣諭卿等是我門客又鄭經號內庭之老沈傳所以為堯長

李吉甫除中書侍郎平章事適與裴垪同直裴垪草吉甫制吉甫有歎惋之聲垪終不言書麻尾之後乃相慶賀禮絕之敬生於座中及明院中使學士送至銀臺門而相府官吏候於門外禁署之盛未之有也

李德裕述夢詩曰荷淨蓬池繪水寒郢水醪注每學士初上賜食悉是蓬萊池魚膾夏至復賜及頒燒香酒以酒味稍濃每和水而飲孟禁中郢水酒坊也

杜用贈張垪紫誥仍無縮黃麻似六經內分金帶赤恩與荔枝

青鶴注制誥本集賢學士領之今翰林學士得分掌故云兼縮

洙曰寫誥書於黃麻紙上訓辭謹嚴如六經翰林拜命日賜命

荔枝蒂紫旨多夜降山草麻五更三點進謂進草

唐書陸贄入翰林年尚少以才幸天子常以輩行呼而不名至解衣衣之雖外有宰相主大議而贄常居中參裁可否時號內相從幸奉天詔書數百揮翰起草思如泉注奉天所下詔書雖武夫悍卒無不揮淚感激多贄所為也

常綬德宗時為翰林學士密政多所參連帝嘗幸其院常妃從

會綬方寢時大寒以妃蜀襦袍覆而去其待遇如此令孫趙公大中初常

便殿召對夜久方罷宣賜金蓮花燭送歸院院吏以下謂是駕來俄傳學士歸院莫不驚異金蓮花燭柄耳至尊方育之

張鷟九八登甲科員半千曰張子之文猶青銅錢萬選萬中時

號青錢學士時有董方九舉不第號曰白璫明經

北廳前階有花甃道冬中以日影過五甃為直入之候李程性懶常過以八甃乃至眾呼為八甃學士

昭宗嘗金鑿作賦詔學士和陸宸先成帝嘉之曰朕聞貞元時有陸贄吳通玄兄弟能作內庭文書後來絕不相繼今吾得卿斯文不墜矣

昭宗召韓偓入院試文五篇萬邦咸寧賦拜昌言詩武臣授東川節度制答佛誓國王進貢書批三功臣讓圖形表繳狀云臣才不邁群器非拔俗待價既殊於積玉窮經有愧於藏金遭遇清時煙濡霽澤我冠振佩已塵象闕之班紙筆和鉛更辱金門

之詔擊鉢謝捷纂組非工撫已循涯以榮為懼長興元年翰林院舊例學士入院除中書舍人不試餘皆試麻制

答著書批答又一道詩賦各一首號曰試五題

畢誠為翰林學士党項羗擾河西宣宗召學士對誠論破羗之

狀上曰不期頗救在吾禁中即用誠守河西李文定公忠真宗時為學士上問陝

西兵幾何對曰臣向在本道以小冊書兵馬糧草之數以備調發今猶置佩囊中帝令探取之目黃門取紙筆令具跪帝曰不意頗救在吾禁中

劉禹錫常處厚集記公未為近臣所著皆文士之詞也以才麗

為主自入為學士至宰相以後所執筆者經綸制置裁成潤色

之詞也以識度為宗觀其發德音福生人沛然如時雨褒元老

論功臣穆然如景風命相之用和而莊命將之誥昭而毅

比夢瑣言封彛卿梁時知貢舉後門生鄭致雍同受命入翰林

為學士致雍有俊才舜卿才思拙澁及試五題不勝困弊因託致雍秉筆當時議者為座主尋門二

續翰林志後唐同光中賜承旨盧質論思翊佐功臣旋授節制

河中王道詩云視草北來唐學士擁髦西去漢將軍時人榮之

玉堂東西壁延袤數丈悉畫水以布之風濤浩渺擬瀛洲之象

也修堂皓鶴悉圖廊廡奇花異木羅植軒砌每外喧已寂內務

不至風傳禁漏月色滿庭真人世之仙境也 學士院第三廳

閣子有一巨槐素號槐廳舊傳居此閣者多至入相或郊禋行

慶制命填委必聚廳分草之先是內院逼近禁闈地復狹窄前

後書詔繁萃多所損潤蘇易簡乃於玉堂後廡建二書閣東西

交映藻繪間飾自是文籍有所附焉閣之上下悉畫煙嵐曉景

以布之

分紀李瀚為翰林學士常升殿侍宴瀚衣綠左右從公退瀚叱

之遂賜緦與座之和疑同任學士會疑入相瀚當制命開疑

閣盡取器玩圖書以歸其縱率如此留詩云玉堂舊閣多

考索宋翰林學士掌內制凡制誥赦勅國書及宮禁所用之文

詞凡后妃親王公宰相節度使除拜前學士草詞授待詔書

訖以進赦降德音則先進草大詔命及外國書則具本稟奏傳

書亦知之

類聚學士院嘗在金鑾殿側號為深嚴自太祖以來籍其才用

始令判三銓及知太常禮院事天聖元年詔學士遇隻日至晚

出宿蓋故事以隻日鎖院隻日降麻也

金坡遺事學士舊規十月賜錦長襖國初以來賜翠毛錦太宗

改賜黃盤雕錦

續志十月朔舊賜對衣紅袍淳化二年代以細花盤雕錦袍下丞相一等

宋朝學士院有雙鵲常棲於海棠上或鳴噪必有大詔令或宣召之事因謂之靈鵲晁公詩云都聞靈鵲心應喜

筆談唐翰林院在禁中乃人主燕居之所玉堂承明金鑾殿皆

在其間應供奉之人自學士以下工伎群官司隸籍其間者皆

稱翰林唐制自宰相而下初命皆無宣召之禮惟學士宣召蓋

學士院在禁中泚內臣宣召無因得入故院門別設複門亦以

其通禁庭也又學士院北扉者為其在浴堂之南便於應召今

學士初拜自東華門入至左承天門下馬待詔院吏自左承天

門雙引至閣門此亦用唐故事也唐宣召學士自東門入者彼

時學士院在西掖故自翰林院東門赴召泚若今之東華門也

至於挽鈴故事亦緣其在禁中雖學士院吏亦止于玉堂門外

則其嚴密可知如今學士院在外與諸司無異亦設鈴索悉皆

文具故事而已敬宗嬉遊之隙學為歌詩以翰林學士崇重不

續通典草麻潤筆自唐有之鄭鐸自隆州刺史復爵李德裕作

高宗感之曰筆頭乾鐸曰出為方伯杖策而歸不得一錢何

以續筆筆法內制九草制除官自給諫待制以上皆有潤筆

筆文辭之在院官不至使人院賜者分需元豐

年妨禁林燕會序學士今日之盛事有七新學士謝恩日賜襲

衣金帶寶鞍名馬一也十月朔改賜新樣錦袍二也特定草麻

科物三也改賜外庫法酒四也月俸並給見錢五也特給親事

官隨從六也勅設供帳之盛七也凡此七事竝持出異恩有以見聖君待文臣之優厚也

續會要政和五年御史摘文堂榜賜學士院歸田錄百司申中書皆用狀

惟學士院用容報其實劄子不出名但當直學士一人押字而已謂之咨報此唐學士舊規也

周必大奏翰苑名稱劄子臣近者忘其冒昧輒引故事恭乞宸翰刻真玉堂嘗蒙宣諭何字可代 英廟嫌名伏緣直廬之

類皆未穩當倉猝未知所對連日思索敢為二說仰瀆 睿聰

臣竊見唐有集賢殿書院蓋集賢殿之書院也其後置學士院

往往因所御宮殿而寓直焉若駕在大內即置院於明福門駕

在興慶宮則置院於金明門德宗嘗召學士浴堂則又移院於

金鑾殿此正如漢有玉堂殿而許臣下待詔於其側唐置書院

於集賢殿以處文學之士也今擬作玉堂之院未審聖意以為

然否臣又聞漢因避諱改禁中為省中自是相承凡官舍在禁

庭者通謂之省除三省不可比擬外如後省散騎省祕書省殿

中省其名不一杜甫詩曰上君白玉堂倚君金華省殆此義也

若作玉堂之省亦頗近古或二者皆不可用即乞出自聖裁臣

妄陳管見罪當萬坐無任戰慄之至

分紀太宗以玉堂之設其來尚矣但慮得其號而無正名乃於

紅綃上御書飛白四字題曰玉堂之署以賜蘇易簡易簡公捧

歸私第以慶擢其親擇日懸掛仍具高鑄于玉堂之上自待詔

院吏而下咸列賀于庭公曰自唐置學士來幾三百年今日方

知貴矣即日詔宰輔暨兩制司至就院勅設宴帳仍各賦長韻

詩以紀其事其詩曰禁林讌會集 玉堂東承旨閣子窓

格上有火然太宗嘗夜幸玉堂蘇易簡為學士已寢遽起無燭具衣冠宮嬪自窓格引燭入照之至今不欲更易以為玉堂一盛事

歸田錄太宗時宋白賈黃中李至呂蒙正蘇易簡五人皆同時拜翰林學士承旨扈蒙贈之以詩云五鳳齊飛入翰林其後呂蒙正至宰相賈黃中李至蘇易簡皆至叅知政事宋白官至尚書老於承旨皆為名臣楊億為學士時草答契丹書云隣壤交歡草既進真宗自注其側曰朽壤糞壤億遂改為隣境明日引唐故事學士作文書有所為不稱職當罷因亟求解職真宗語宰相曰楊億不通商量真有性氣

東都事畧劉筠字子儀仁宗即位復召翰林學士筠自景德以來居文翰之選與楊億齊名當時號為楊劉二入禁林乾德元年

為翰林學士太祖謂宰相曰深嚴之地當以宿儒處之

東軒筆錄舊翰林學士地勢清切皆不兼他務文館職任自校理以上皆有職錢惟內外制不給楊大年久為學士家貧請外吏辭于餘言其間兩聯曰虛忝甘泉之從臣終作莫敖之餒鬼從者之病莫與方朔之饑欲死自後乃得判他局

言行錄歐陽脩在翰林仁宗見御閣春帖子讀而愛之問左右曰學士歐某之文也乃悉取宮中帖子閣之見其篇篇有意歎曰舉筆不忘規諫貞侍從之臣也

陳彭年為學士檢討典故質正文義每一事具載經史子籍備而後見上曰詳定所事無大小皆候彭年裁制而後定一句不

可廢也

錢宣靖公若水為學士太宗禮遇殊厚嘗草賜趙保忠詔云不
斬繼遷存狐兔之三穴潛疑光嗣持首鼠之兩端太宗覽之甚
悅謂若水曰此四句正道著我意

熙寧初韓子華絳拜相其弟持國雍在翰苑神宗前期預令草

制注意厚矣持國懇辭兄弟之嫌得請元符末曾子宣爰立其

弟子開直北門特命草麻示眷寵也魯文昭公肇字子開上命

魯公相適視草禁中因舉數事為戒宋朝學士弟草兄制惟韓

氏與公士論榮之趙光逢為翰林學士光裔知制誥兄弟對掌內外命書

周麟之為學士姿儀洒落進止疑重班冠玉笄望之者意神仙

中人麟之受召撰張循王碑文成奏御天筆批其後十八字

曰誌銘敘事詳盡造語簡要披閱數四但有歎嘉士林傳觀以
為寵

翰林群書國朝學士循唐故事見宰相不具靴笏至中書與常
參官雜坐客位有移時不得見者學士日益自卑

筆談選人不得乘馬入宮門天聖中選人為館職始歐陽永叔
黃鑑輩皆自左掖門下馬入館當時謂之步行學士嘉祐中於

崇文院置編校局校官皆許乘馬至院門其後中書五房置習
學公事官亦緣例乘馬赴局東齋記事元厚之少時曾夢人告

人同在禁林厚之除學士同時相先後入院為學士者一拜持
國維一除和叔繹一鄧文約緯一楊元素繪並厚之名絳五人
名皆從系始
悟兄弟之說

金坡遺事錢惟演云希白易於予為從兄也天聖三年十二月

予參鈞衡之命時希白自當制世稱弟拜相兄草麻自古未有
 朝野雜記國朝自建隆至熙寧在翰苑者一百八人而入端揆
 者二十一人太祖九人一相太宗二十三人四相真宗十五人
 四相仁宗五十二人九相神宗十三人三相自建炎至淳熙在
 翰苑者七十六人而入端揆者九八人高宗五十八人五相孝
 宗十八人三相 學士久次者晁文元迥十六年王文恭珪
 十三年王文忠堯臣十二年宋文安白章文獻得象趙清獻抃
 楊內翰偉皆十一年陶尚書穀丁文簡度皆十年扈尚書蒙蘇
 叅政易簡賈叅政黃中李昌武宗諤孫文懿朴胡文公宿皆九
 年徐常侍鉉楊文公億皆八年歐陽常侍迥宋賈獻綬歐陽公
 皆七年梁給事周翰李相州維晏元獻殊馮章靖元皆六年

熙寧後學士率一二年即遷久次者三四年而已高宗朝湯慶
 公孝宗朝周益公始皆六年 又學士再入三入者宋文安
 兩入凡二十年李相州孫文懿皆十二年楊文忠公范文忠公
 皆九年曾宣靖馮文簡皆七年葉道卿張文定皆六年宋景文
 楊宣懿皆三入而止五年渡江後周益公再入凡九年胡端明
 二入跨六年久次者此二公而已 學士三入李文正劉中
 山子儀三人玉堂集云三入翰林皆待詔宣獻公宋景文范景
 仁四入李邕五入而一不拜又渡江後三入者二人胡端明文
 修王端明輒兩入者十六人張文靖守綦寶學宗禮沈忠憲與
 求陳資政與義孫資政近劉閣學才邵李侍郎椿年洪文安遵
 錢給事周材洪文敏邁劉忠肅琪鄭資政開周益公必大王魯

公准倪侍郎思

錢文僖公記父子入院一家李文正

昌武

以為極盛矣其後父子入院者又有四家錢希白子梁仲素

莊肅蘇儀甫子容洪忠宣子景伯景嚴景廬兄弟入院三家二

竇可象望之二李文相靖州二錢希白師聖以為極盛矣其後

兄弟入院者又九家二陳文肅康肅二宋元憲景文二吳正宣

正憲二韓康國持國二蘇文忠文定二曾文肅文昭二字文仲

理仲通三洪文惠文安景廬然洪氏父子兄弟入翰苑者四人

尤古今所未有也

弇州集 國朝三代翰林者林文安瀚為編脩庭機為檢討燦

亦為檢討至學士父子同在翰林者唐應奉肅侍講之淳胡閣

學廣檢討種金閣學幼孜檢討達王學士直檢討積曹學士為

修撰恩倪學士謙學士岳揚中允鼎學士時暢商斡學輅侍講

良臣鄒少詹濟禮部右侍郎兼左庶子幹焦殿學芳侍講黃中

劉閣學宇編脩仁謝殿學遷學士丕江學士瀾脩撰暉楊殿學

廷和脩撰慎倫諭德文敘諭德以訓孫中允陞諭德鈺是洗馬

慄庶吉士東吳陳殿學以勤學士于陞張殿學居正編修嗣修

修撰懋脩內胡氏金氏曾氏皆以蔭敘得之而倪公父子光學

尤為盛事本朝學士承旨洪武初詹同宋濂其學士除入內閣

者外陶安朱升熊昂宋訥劉三吾李遜董倫王景沈

度李時勉錢習禮蘭從善倪謙李紹林文黃諫柯潛吳節王傑

王獻謝一斐倪岳程敏政吳寬王華江瀾武衛張芮張元積白

鉞傅珪毛澄李遜學劉春霍韜席春張潮溫仁和張邦奇張治

陸深李廷相費宗孫承恩歐陽德程文德閔如霖李默王鼎實

吳山董份秦鳴雷潘晟

陸樹聲汪鏜陳經邦

唐書李泌為相加集賢殿崇文館大學士修國史泌建言學士

加始中宗時及張說為之固辭乃以學士知院事至崔圓復
為大學士亦引泌為讓而止

上欲以張說為大學士辭曰學士
本無大稱中宗欲以崇寵大臣修

文館乃有六
學士之名

類聚唐制官序未至而他官權攝者為直官宋開寶二年以李
昉盧多遜並直學士院直院之名始此六年知制誥張澹權直
翰林院凡他官入院學士謂之直院學士俱闕他官暫行文書
謂之權直宋率以從官兼直院若左右史少監類止稱權

退朝錄開寶九年李文正盧相並直學士院太平興國元年湯
悅徐鉉直學士院王克正張治直舍人院四人皆江南文士也
談苑蘇易簡為參知政事引故事為請詔自今當直學士院與
樞密直學士並頒長春殿曲宴

孫覲撰墓誌汪藻字彥章直學士院草高麗答詔其不許入貢
詔畧曰壞晉館以納車庶無後悔開玉關而謝質匪用前規上
顧輔臣稱公得代言之體久之高麗謝表至上復稱公直翰林
學士以所御白團扇親書紫誥仍兼繪黃麻似六經十字以賜
縉紳榮之

類聚唐開元三年上謂宰相曰朕本讀書有所凝滯無從質問
可選儒學之士使入內侍讀乃以馬懷素與褚無量更日侍讀
十三年改麗正修書院為集賢殿書院選耆儒日一人以稽史
籍疑義置集賢院侍講學士侍讀直學士宋太祖始用著作佐
郎呂文仲為侍讀真宗咸平二年以楊徽之夏侯嶠並為翰林
侍讀學士先是侍讀名秩未崇真宗首置此職擇真儒舊學以

充其選班秩次翰林學士祿賜如之設直廬於秘閣侍讀更直侍講班上日給尚珍膳夜則迭宿多召對訪問或至中夕元豐官制廢翰林侍講侍讀學士不置但以爲兼官然必侍從以上乃得兼之其秩卑資淺則爲說書歲二月至端午日秋八月至長至日遇隻日入侍邇英閣輪官講讀元祐七年復增學士之號

大明會典凡經筵 欽命內閣大學士知經筵事或同知經筵事班俱在尚書都御史上講書展書等官及日講官俱從內閣於本院及詹事府春坊司經局官內具名題請其經筵講章日講直解 俱送內閣看定經筵講章先三日進呈日講直解先一日進呈

凡東宮出閣講學內閣官提調講讀其講讀侍班及校書正字官從內閣於本院及詹事府春坊司經局官內具名題請正字例以制勅房官兼職

凡親王出閣讀書內閣提調檢討等官講讀擬定經書起止所習敬字每日送看

凡脩實錄史志等書內閣官充總裁本院學士官充副總裁皆出 欽命纂修從內閣於本院及詹事府春坊司經局官內具名題請臚錄催纂制勅誥勅房官皆預纂脩完日進呈其實錄草稿會同司禮監官於內府燒燬

唐書常處厚通五經博覽史籍而文思贍逸穆宗以其學有師法召入翰林爲侍講學士

厚銓擇經義雅言爲二十卷謂六經法言

文宗召兵部尚書王起禮部尚書許康佐為侍講學士中書舍
人柳公權為書學士每有疑義即召學士入便殿顧問討論率
以為常謂之三侍學士恩寵異等

起長於博洽文宗時為翰林學士起侍講時有僻字疑事

令中使口宣即以榜子對疏口寫宣

崔郾為侍講學士與同列高重抄撮六經嘉言要道區分事類
凡十卷名曰諸經纂要冀人主易於省覽上嘉之賜綵二百疋
高元祐自侍講為中丞文宗難其代元祐表言兄少逸才可任
因遷少逸議諫大夫代元祐為侍講學士兄弟迭處禁密時人
榮之

唐書王起字舉之文宗好文尚古學時鄭覃長於經義起長於
博洽俱引入翰林講論經史起辟於嗜學雖官位崇重耽玩無
斁以太子登儲欲令儒者授經乃以兵部尚書兼太子侍讀為
太子廣五運圖及文場秀句獻之帝數訪逮時政詔畫象便殿
號當世仲尼

東都事畧邢昺字叔明真宗始置翰林侍讀學士首以命昺即
於便坐令講左氏春秋嘗講孝經禮記論語書易詩據傳疏敷
引之多及時事真宗甚嘉獎之

國史仁宗常詔翰林侍讀學士張錫講書禁中錫敷暢經旨議
論該洽上嗟賞久之錫時年六十七鬢髮皓然上曰卿老夫記
問不衰乃以飛白書博學字賜之因訪以治道錫曰節慾治身
之本也慎刑賞治平之本也時貴妃被幸故以此諷之上改容
曰卿言甚嘉朕恨用卿晚矣

呂伯恭中舍除翰學誥內外演綸之職獨高翰苑之清華左右
持橐之臣疇若禁林之清密維時盛選屬我洪儒輟從西掖之
聯延入北門之直具官某學窮聞奧文冠倫魁增主之明洋洋
泥童之對發帝之令渾渾虞夏之書休有德聲最於邇列是用
進陟鑿坡之邃深居鈴索之嚴周必大表鳳掖演綸久俟黜幽
典鑿坡裁詔誤叨僣直之榮
登憲夜學燭莫望於金蓮
蓬戶久居非豈知於玉笋
宣宗親製翰林院表河洛會歸 聖代啓圖書之府
日星煥爛詞垣瞻金石之文惟茲內翰寔冠邇聯昔止代言今
藏衆美校文揮制兼秘書中舍之司載筆啟心總史館經筵之
任玉堂啓署地連紫禁之中青瑣排扉人在丹霄以比文章有
職不取他才輔相登庸悉由此出

李白詩晨趨紫禁中夕待金門詔苑花似雪同隨輦官月如眉
伴直廬韓渥詩紫殿承恩歲金鑿入直年人歸三島路日過八
花磚賈島詩馬自賜來騎覺穩詩緣見徹語長新温庭筠詩白
麻紅燭夜清漏紫薇天紫薇芒動辭初出紅燭香殘詔未封
宋賈黃中詩青綸輝映輕前古丹地深嚴隔世塵錢若水詩月
上花磚簾捲後柳遮鈴索雨初晴楊億詩六鼈雲海冠蓬萊玉
署深嚴枕斗魁楊徽之詩詔出紫泥封去潤朝回蓮燭賜來香
詩話白樂天詩云元和六學士五相一漁翁王禹偁賀同在翰
林而大拜者云三神山上曾陪鶴駕之將六學士中獨有漁翁
之嘆

國史院

類聚史官自黃帝有之夏商太史周太史小史內史外史而侯

國亦置秦有太史令漢至武帝始置以司馬談為之談卒子遷

嗣宣帝以其官為令行太史公文書修撰之職以他官領於是

太史之官唯知占候而已王莽改置柱下五史後漢至隋唯魏

明太和中史職隸中書其餘多隸秘書唐武德初因隋制屬秘

書省著作局貞觀移文館於門下省宰相監修自是著作局始

罷史職其修撰史事以他官兼領或品卑而有才者亦直馬宋

監修國史一人以宰相為之修撰直館檢討無常員修撰以朝

官充直館檢討以京官以上充掌修日曆及典司圖籍之事凡

國史別置院於宣徽北化院之東以藏之謂之編修院東京記云編修

俗呼為史院天聖修其宗史後重其任降敘宰相為提舉參知

政事樞密副使為修史其同修史則以庶官學士以上為之編

脩官以三館秘閣校理以上及京官充史畢即停元豐改官制

日曆隸國史案每脩前朝國史實錄則別置國史實錄院以

相提舉翰林學士以上為修國史餘紹興初實錄國史皆寓史

侍從官為同修國史庶官為編脩官

館後罷史館遇修實錄即置實錄院遇修國史即置修國史院

著作局惟修纂日曆宰相監脩但提大綱檢討官按閱校對惟

修撰實專史職大據所送到時政起居注銓次其事排以日

月謂之曆日紹興十八年詔置修國史院修神哲徽宗三朝正

史大元國史院有監脩國史唐制宰相四人內一人帶監修國

相領集賢雜修史唐初令孫德茶請修近代史遂命修撰名始

監修國史於此宋從唐制史館有修撰以他官領取最

上一員判館事故事同修史舊有修撰官紹聖初方改為修

史館每月選曆日太平興國以楊文舉為國子監丞史館編脩宋

脩官言脩撰官止二人望擇館閣官二員充編脩官

衍義補周禮宰夫八職有史以贊治漢法太史公位在丞相上

天下計書先上太史公副上丞相唐及宋宰相皆兼史官 國初猶設起居注其後革之惟以脩撰編脩檢討掌國史焉

漢書荀悅云立典有五志焉達道義彰法式通古今著功勳表賢能于寶釋云體國經治之言則書之用兵征伐之難則書之忠臣烈士孝子貞婦之節則書之文告專對之辭則書之才力伎藝殊異則書之

唐書許敬宗拜侍中監修國史高宗常幸故長安城按蹕徘徊視古區處問侍臣秦漢以來幾君都此敬宗曰秦居咸陽漢惠帝始城之其後符堅姚萇宇文周居之帝復問漢武開昆明池實前年對曰元狩三年將伐昆明實為此池以肄戰帝乃詔與弘文學士討論古宮室故區具條以聞 高宗問宰相竇德玄備

能對敬宗曰昔顓頊居此故謂帝丘敬宗退謂人曰大臣不可不以不學玄聞曰人各有能有不能吾不强對以所不知此吾所能也李勣曰敬宗多聞信美矣德玄之言亦善也

劉知幾景龍初轉太子中允依舊修國史時侍中韋巨源紀處訥楊再思宗楚客蕭至忠並監脩國史知幾以監脩者多甚為國史之弊於是求罷史任因為至忠言五不可曰古之國史皆出一家惟漢東觀集群儒稱述無主條章不建今史司取士滋多人自為荀袁家自為政駿每記一事載一言閣筆相視含毫不斷頭白可期汗青無日一不可漢郡國計書先上太史副上丞相後漢公卿所撰先集公府乃上蘭臺故史官載事為廣今惟詞採二史不注起居百官弗通行狀二不可史局深籍禁門所以杜頽面防請謁今作者如麻褒貶曾未絕口而朝野咸知

者史氏各有指歸故司馬遷退處士進奸雄班固抑忠臣飾主
闕今史官注記類稟監修或須直辭或當隱惡十年九牧其令
難行四不可今監者不肯指授脩者又不遵奉務相推避以延
歲月五不可

知幾曰史才須有三長謂才也學也識也子无著史通内外四十九篇徐堅讀之嘆

口為史氏者宜置此座右

擲子厚與韓愈論史官書退之言不有人禍則有天刑若以罪
夫古之為史者孔子之困于魯衛陳宋蔡楚者其時暗諸侯不
能以也其不遇而死不以作春秋故也當其時雖不作春秋孔
子猶不遇而死也若周公史佚雖紀言書事猶遇且顯也又不

得以春秋為孔子累范曄悖亂雖不為史其族亦赤司馬遷觸
天子喜怒班固不檢下崔浩沽其直以聞暴虜皆非中道左丘
明以疾盲出於不幸子夏不為史亦盲不可以是為戒

武德中秘書丞令狐德棻請修五代史詔蕭瑀等分修之歷年
不就貞觀三年復勅脩撰乃令德棻仍總知類會諸史武德以
來創修撰之源自德棻始也會詔改撰晉書房玄齡奏德棻令
預修撰當時同修一十八人並推德棻為首其體例多取決焉
唐史館脩撰掌脩國史天寶後他官兼史職者曰史館修撰元
和中宰相裴垵建議登朝官領史職者為修撰以官高一人判
館事

歸登字冲之崇敬子也克皇子侍讀尋加史館修撰順宗初以

東朝舊恩賜金紫尋加史館修撰

蔣義字德源博通群籍史才尤長貞元中史館脩撰居史任二十年好學不倦老而彌篤子係太和中拜史館修撰典實有父風伸大中初入朝右補闕史館修撰召入為翰林學士偕有史才以父任歷官左拾遺史館修撰蔣氏世以儒史稱與柳氏沈氏父子相繼修國史實錄時推良史京師云蔣氏曆日士族靡不家藏焉

李吉甫為監修國史時憲宗嘗御延英問時政記何事吉甫對曰是宰相記天子事以授史官之實錄也古者右史記言今起居舍人是左史記事今起居郎是永徽中宰相姚璩監修國史慮造膝之言或不下聞因請隨奏對而記於仗下以授于史官今時政記是也

李翱轉史館修撰以史官記事不實奏曰臣謬秉筆以記注為職夫勸善懲惡正言直筆史官之任今善惡皆取行狀謚議蓋行狀多是其門生故吏欲虛美于受恩之地今請但指事實直載事功假如作魏徵傳但紀其諫諍之辭足以為正直段秀實但記其倒用司農印以追道兵以象笏擊朱泚足以為忠烈若考視行狀依此則考功下太常牒史館然後定謚從之

朱敬則兼修國史乃請高史官選以求名才常安石閱其藁歎曰董狐何以加世人不知史官權重宰相宰相能制生人史官兼制生死

五代史周賈偉充史館修撰桑維翰為相待之薄及為翰傳言

翰死有白金八千錠學士徐台符以為厚誣備乃更為數百儷類不平目為賈鐵嘴

東都事畧慶曆四年賈昌朝建言修唐書命王堯臣宋祁楊察張方平為修撰曾公亮范鎮宋敏求呂夏卿為編修其後相繼出外獨宋祁秉筆

曾鞏字子固天子察公賢一日手詔中書門下曰曾鞏以史學見稱士類宜與五朝史事遂以為修撰近世修史必眾選文士以大臣監總未有以五朝大典獨付一人如公者

朱紱字公垂仁宗朝同修國史後其子敏求為史館脩撰父子繼世掌史世以為榮焉

詩話丁謂與孫何齊名翰林學士王禹偁延譽於帝曰謂與何可使白衣充修撰由此聲名籍甚禹偁嘗與詩曰三百年來文不振直從韓柳到孫丁而今便合教脩史二子之才似六經洪咨夔辭同脩撰表竊以典謨所以記言春秋所以斷事六經不作三史相承馬遷辨而不華猶坐是非之謬班固詳而有體尚識仁義之輕迨其下之紛紛徒所傳之謏謏矧今脩明三館之制揚厲累朝之休在國史則紀傳表志之纂裁在實錄則日月時年之編係欲成萬世之典宜得三長之才豈臣斐狂可贊筆削

宋史天聖中國史王安簡謝陽夏黃唐卿李邦鄆為編修官安簡神清冲澹唐卿刻意篇什謝李處為句曰王貌閑如鶴黃吟苦似猿

袁樞字機仲為編脩官分脩列傳故相章子厚家以同里宛轉求釋其事公曰吾為史官書法不隱寧可負鄉人不可負天下

後世公議時宰相趙鼎總史事歎曰無愧古人之良史劉恕為人強記

於書無所不覽有史學司馬尤倚資治通鑑奏請同編脩

范祖禹字淳甫司馬文正公脩歷代君臣事迹辟公同編脩供

職秘省時王荊公當國公未嘗狂謁王安國與公善嘗諭以荆

公意公竟不往見祖禹在書局分撰唐史考其成敗治亂得失之職根其故要名曰唐鑑元祐上之

言行錄李文簡公燾號巽巖時權同修國史得旨長編或有增

損依熙寧脩三經義法至是上四千四百五十餘條又以一百

六十八年事散在史冊一覽難周別為長編六十八卷總目五

卷修撰事目十卷上曰卿宿德耆儒宜在左右任史職淳化二年以殿

中丞郭延澤太子右贊善大

夫董元亨並為史館檢討真德秀辭國史狀伏見先朝臣曾鞏著論以為古之良史其明

足以周萬事之理其道足以適天下之用其志足以通難知之

意其文足以發難顯之情然後其任可得而稱史職之重若此

而使臣者濫廁其間竊恐頭白可期汗青無日如昔人所謂也

周必大表切惟建官以六大為先實尊職筆作樂以一變而足所貴專門自魏荀爽鴻雁之行寧備遷囚馬牛之走

類聚後漢馬皇后撰明帝起居注則漢起居似在宮中為文史

之任其後起居皆近侍之臣錄記也歷代有其職而無其官後

魏始置起居令史每行幸宴會則在御左右記帝言及賓客訓

答後又別置修起居注二人北齊有起居省名至隋置為職員

列為侍臣與掌其事唐起居郎舍人掌錄天子起居法度天子

御正殿則郎居左舍人居右有命俯陛以聽退而書之季終以授史官宋沿唐制起居郎隸門下起居舍人隸中書號小兩省官皆為虛名亦不典本省事而典職者自號脩起居注凡二人天子御正殿記注官不侍左右唯朝會對立於案前常日則更番通直於崇政殿延和殿行幸則從上出入皆所以書言動熙寧初詔諫官兼脩注者因後殿侍立許奏事

漢荀悅傳古者天子諸侯有事必告于廟廟有二史左史記言右史記事事為春秋言為尚書君舉必書善惡成敗無不存焉

唐志東一星曰柱史主記過古者左右史象也唐柳此為左史其著序訓自稱左侍極

宋書諫議張秘請置起居院修左右史之職為起居注與時政記逐月終送史館以備日曆太宗詔從之命周翰掌其事翰請

以所撰先進御後付史起居注進御始此

會要熙寧二年四月刑部郎中秘閣校理同脩起居注陳襄兼

起居舍人知諫院兵部員外郎兼起居舍人同知諫官范純仁

直集賢院同修起居注

洪邁起居郎廳壁記兩省之官十有二唐制也今散騎常侍缺

由諫大夫而下別為諫院同門而異戶唯給事中中書舍人左

右起居實同省其員亦十有二渡江以來蓋損三之一然亦未

嘗備也給舍以法從為職凡紫薇黃門之政無論大小實書之

實行之其未違者以告而還之兩起居日侍殿上備顧問皆

名一時清切要官然去來姓名不詳於掌固四十年間已泮散

不可攷邁兄弟前後四入省舉致志焉

周必大論史事劄子竊觀前朝國史雖是衆人分撰然當時案牘可以稽據是非可以詢問責成一手不至訛舛粵自南渡以來文籍殘缺往往搜求散軼考證同異若非參合衆智深慮不相照應抵牾者多臣嘗與衆議分手撰述每遇一志一傳成篇並令在院官互相修潤庶幾首尾貫串體製歸一無思慮不周之患

吳永叔辭起居郎狀點螭頭之水必茹含千古之胸捫柱下之星必淹貫百家之學苟非俊傑曷稱選掄况直言未罄於王前而陟典遽升於帝左借冒居於寵數將沓至於煩言古事問高仲舒方欲力解中書之職人端有鄭仁表豈宜疊叨記注之榮杜甫贈起居田舍人獻納司存雨露遺地分清切任才賢舍人

退食收封事宮女開函近御筵曉箭追移青瑣闥晴窓點檢白

雲篇楊雄更有河東賦惟待吹噓送上天王維詩史館接天居霓裳侍王除洞有百

年錄山莊太史書

姚合寄右史纔歸龍尾含鷄舌更立螭頭運兔毫閨闈欲開金漏盡冕旒初坐御香高寄劉起居綵仗迎春日香煙接瑞雲珮聲清漏間天語侍臣聞寄問起居官清立在金爐北仗下歸眠

玉殿西

劉禹錫送陳郎中直史館遠取南明貴公子重脩東觀帝王書

當時史筆窺金匱暇日登臨到石渠元微之謔白樂天我是正皇香案吏謫居猶得住蓬萊

秘書監

衍義補漢氏圖書所在有石渠石室延閣廣內貯之於外府有
 御史居殿中掌蘭臺秘書及麒麟天祿二閣藏之於內禁唐制
 秘書省掌經籍圖書之事秘書郎掌四部圖籍校書郎掌讎典
 籍刊正文章宋有秘書監掌古今經籍圖書國史實錄天文曆
 數之事今代圖書皆藏內閣所設之官止一典籍焉洪武癸丑
 命編修張唯等十八人入文華堂肄業 詔宋濂為之師 上
 聽政之暇輒幸堂中取其文親評優劣命光祿給酒饌每食皇
 太子親王迭為之主給冬夏衣時 賜白金鞍馬 太宗永樂
 甲申命學士解縉選新進士材質英敏者得曾榮周忱等二十
 九人俾就文淵閣進學且 諭之曰文淵閣古今載籍所萃爾
 各食其祿日就閣下恣爾玩索務實得於已庶國家皆得爾用

命司禮監給筆劄光祿寺供飲饌分鈔以市膏燭賜第以為居
 止 列聖相承接為故事得人比他進士為多焉

後儒林序有辟雍東觀蘭臺石室宣明鴻都之藏西都賦又有
 承明金馬著作之庭大雅宏達於茲為群元元本本殫見洽聞

啟發篇章校理秘文

晉傳奕東觀箴 華嶠書學者稱東觀為老氏藏室道家蓬萊山
 筆談後漢藏書東觀在禁中至桓帝時始置秘

監洋東觀古之史官左書右紀其言辛尹顧訪文武明

宣倚相見寶荆國以安 夏終殷摯周聃晉忝或笑或泣抱籍

遁走 史畧張齊賢改秘書監嘗出謂其子曰昔賀秘監以道士
 服東歸今吾且作白頭老監枕書而眠何必學賀老作流

服沙之

唐李華著作廳昔沮誦蒼頡為黃帝史臣文字以興其來尚矣

其南正北正建于顓頊羲氏和氏命于唐堯更虞夏商代序天地周官宗伯之屬有太史正歲年以序事小史莫系代辨昭穆內史受納訪以詔王聽理外史達書名于四方前志所載有左史記事或歲王之闕或司過于朝所典不同其納君於善一也傳曰天子有日官則史逸史伯是也諸侯有日御則裨竈子常是也倚相在楚南史在齊董狐在晉邦之司直也至于有晉若史才之美陳壽自佐郎遷元舅之尊庾亮以中書領宋則徐爰何承天齊則沈約裴子野梁則陸雲姚察陳則顧野王張正見後魏則崔光高允北齊則邢子才魏收周則蘇亮柳蚪隋則虞綽王邵皆一朝名選也

分紀諸司屋舍惟秘書最弘壯閣下穹窿高敞謂之木天

唐薛夏曰

唐書為外臺秘書為內閣棧表類未為索縹羣翔於崑崙之庭神是川芸列植於雲霄之圃鄭氏綺談以為大蓬陳子昂以為去司揚億為蓬島

唐書虞世南為秘書監太宗稱其五絕一德行二忠直三博學四文詞五書翰又世南為秘監太宗引之談論及古今帝王行政得失必存規諷及薨帝曰石渠東觀之中無復人矣著北堂

書秘

秘書首有落星石薛少保畫鶴賀監草書郎餘令畫鳳

李邕見特進李嶠自言讀書未徧願一見秘書假直秘書未幾

辭去嶠試問奧篇隱帙了辨如響

隋柳警拜秘書監煬帝常召入閣言實諷讀終日而罷帝

恨不能夜召乃命刻木偶人施機關能坐起拜伏以象警每月下對酒輒置於座

顏師古為秘書監專典刊正所有奇書難字眾所共惑隨疑剖

析曲盡其源

薛夏字宣聲魏文帝方與夏有所咨詢適曹休來朝帝引入曰此君秘書丞天水薛宣聲也

山公啓事詔選秘書丞濤薦曰嵇紹平簡温敏有文思猶當先

作秘書郎上曰紹如此便可為丞不足復為郎也元祐初用治平故事命大

臣薦士試館職一時名士在館率論資考次遷未有越次進用者皆有滯留之難張文潛晁無咎俱在其間一日二人問朝報見蘇子由自中書舍人除戶部侍郎無咎以為平緩曰子由此除不離核為如果之粘核者文潛曰豈不勝汝杖頭乾乎聞者皆大笑

魏志王肅言秘書丞郎與博士議郎同職近日月宜在三臺上

秘書丞郎宜比尚書丞郎梁張率遷秘書丞武帝曰秘書丞天下清卿劉孝綽除秘書丞武帝曰第一

一官當與第一人

談藪宋何承天除著作郎時已老而諸佐郎並名家年少荀伯子朝之常呼為妳母承天曰卿當云鳳凰將九子何言妳母梁朝貴遊子弟多無學術諺云上車不落即著作起居何如即校書

唐書劉允濟為著作郎脩國史嘗曰史官善惡必書使驕主賊臣懼此權顧輕哉而班生受金陳壽求米僕乃視如浮雲耳唐

監辨清雅而實非要劇權貴子弟及好利誇侈者率不好此職以監為宰相病坊丞及著作郎為尚書郎病坊秘書郎及著作佐郎為監察御史病坊紹興時士大夫以登臺閣陸禁從為顯官語曰寧登議不為卿寧抱輦不為監

劉知幾卒後張說脩史見證魏元忠事謬曰劉五殊不相借著作郎吳兢起曰此說所為史草俱在不可使明公枉怨死者許敬

宗除著作郎喜謂所親曰仕宦不為著作無以成門戶

晉書張載字孟陽作濛汜賦傅玄見而嗟異以卑迎之言談盡日為之延譽遂知名起家著作佐郎

拾遺記劉向校書天祿閣夜有老人植青藜杖杖端出火以照向曰我是太乙之精天帝聞卯金之姓有博學者下而觀焉唐楊

剛幼聰敏博學善屬文神童舉拜校書郎白居易敏悟絕人進士拔萃補校書郎

唐開元中校書正字俸祿微少孤寒英傑居之騎驢入省而太祝奉禮每月請服衣絹布及胙肉俸祿倍多公卿子弟居之時語曰正字校書詠詩騎驢奉禮太祝輕裘食肉

白樂天詩並入紅蘭署偏親白玉規李季蘭寄韓校書不知芸閣史寂寞意何如

李商隱贈諸校書清切曹司近玉除比來秋興復何如崇文館裏丹霜後無限紅梨憶校書

韓愈和張徹詩清墨竄舊史磨丹注前經義苑手秘寶文堂耳驚寔

呂祖謙車駕幸秘書表斯文崇替與世隆升自我祖宗嚴載籍萃藏之地于時典冊踵乘輿游幸之書從容箴誨之求廣大畧良之聚爰圖再造華省一新爰親御於右文用仰繩於前式

